

ԿՈՆԵԿՏԻՎ ՊԱՅՄԱՆԱԳԻՐ

ք.Երևան

„23 „ 08 2016թ.

«Խաչատուր Աբովյանի անվան հայկական պետական մանկավարժական համալսարան» հինմադրամը, այսուհետ՝ **համալսարան**, ի դեմս ռեկտոր Ռուբեն Միրզախանյանի, մի կողմից, և Խաչատուր Աբովյանի անվան հայկական պետական մանկավարժական համալսարանի արհեստակցական կազմակերպությունը, այսուհետ՝ **աշխատողների ներկայացուցիչ**, ի դեմս նախագահ Հասմիկ Սարգսյանի մյուս կողմից, միասին՝ Կողմեր, կնքեցին սույն պայմանագիրը հետևյալի մասին:

1. Պայմանագրի առարկան

- 1.1. Սույն կոլեկտիվ պայմանագիրը համալսարանի և աշխատողների ներկայացուցչի միջև գրավոր ձևով կնքված կամավոր համաձայնություն է, որը կարգավորում է աշխատողների և համալսարանի միջև աշխատանքային հարաբերությունները:
- 1.2. Համալսարանի և աշխատողների ներկայացուցչի կոլեկտիվ պայմանագիրը կնքված է << աշխատանքային օրենսգրքի, համալսարանի կանոնադրության, <<Արհեստակցական միությունների մասին>> << օրենքի, աշխատողների ներկայացուցչի կանոնադրության և այլ իրավական ակտերի հիման վրա:
- 1.3. Կոլեկտիվ պայմանագրի կատարման նկատմամբ հսկողությունն իրականացնում են կողմերը կամ այդ նպատակով նրանց լիազորած ներկայացուցիչները:
- 1.4. Կոլեկտիվ պայմանագրի գործառույթները տարածվում են համալսարանի բոլոր աշխատողների վրա:
- 1.5. Կոլեկտիվ պայմանագրի առարկա են հանդիսանում համալսարանի կողմից օրենսդրությամբ սահմանված կարգով աշխատանքի պայմանների, աշխատանքի վարձատրության և դրանց հետ կապված այլ հարցերի լուծման նկատմամբ տրամադրվող երաշխիքների և արտոնությունների վերաբերյալ լրացուցիչ դրույթների սահմանումը:
- 1.6. Կոլեկտիվ պայմանագրի կողմերը պարտավորվում են համագործակցել և իրականացնել աշխատողների և համալսարանի շահերը աշխատանքային հարաբերություններում:
- 1.7. Կողմերը փոխհամաձայնեցված գործունեությամբ ապահովում են համալսարանի ակտիվ կենսագործունեությունը, պաշտպանում աշխատողների աշխատանքային, ուսումնական, սոցիալ-տնտեսական, հասարակական-քաղաքական՝ << Սահմանադրությամբ, համալսարանի կանոնադրությամբ և այլ

իրավական ակտերով սահմանված իրավունքներն ու շահերը, նպաստում համալսարանի վարկանիշի բարձրացմանը:

2. Կողմերի համատեղ պարտականությունները

Կողմերը պայմանավորվել են՝

- 2.1. ստեղծել աշխատանքի անվտանգության, առողջության պահպանման և աշխատողների սոցիալական խնդիրների լուծման գծով համատեղ հանձնաժողով,
- 2.2. աշխատանքի վայրում դժբախտ դեպքերի և մասնագիտական հիվանդությունների պատճառները պարզելու նպատակով օրենքով սահմանված կարգով անցկացնել համատեղ ծառայողական քննություն:

3. Աշխատանքային պայմանագիր, զբաղվածություն

- 3.1. Աշխատանքի ընդունվելու ժամանակ աշխատանքային փոխհարաբերությունները ձևակերպվում են համալսարանի հրամանով՝ գրավոր աշխատանքային պայմանագիր կնքելու հիման վրա: Աշխատողները աշխատանքի են ընդունվում մրցույթով կամ առանց մրցույթի՝ « **օրենսդրությամբ և համալսարանի կողմից սահմանված կարգով:**
- 3.2. Աշխատանքային պայմանագիրը կնքվում է երկու օրինակից և նույն օրը գրանցվում աշխատանքային պայմանագրերի գրանցամատյանում:
- 3.3. Աշխատանքային պայմանագրերը կնքվում են՝
 - անորոշ ժամկետով, եթե աշխատանքային պայմանագրում դրա գործողության ժամկետը նշված չէ,
 - որոշակի ժամկետով, եթե աշխատանքային պայմանագրում դրա գործողության ժամկետը նշված է:

Աշխատանքային պայմանագիրը ներառում է համալսարանի և աշխատողի հիմնական իրավունքները և պարտականությունները, որոնք բխում են կատարվող աշխատանքի առանձնահատկություններից:

Համալսարանի կողմից կարող են սահմանվել աշխատողների իրավունքների և պարտականությունների վերաբերյալ պաշտոնի անձնագրեր:

- 3.4.** Աշխատանքային պայմանագիրը չի կարող վատթարացնել աշխատողի աշխատանքային պայմանները, որոնք սահմանված են գործող օրենսդրությամբ, ինչպես նաև սույն կոլեկտիվ պայմանագրով:
- 3.5.** Համալսարանը և աշխատողները պարտավորվում են կատարել աշխատանքային պայմանագրի պայմանները:
- 3.6.** Առանց աշխատողի համաձայնության նրան այլ աշխատանքի փոխադրելը թույլատրվում է միայն օրենսդրությամբ սահմանված դեպքերում:
- 3.7.** Համալսարանը աշխատողների ներկայացուցչին ներկայացնում է տեղեկատվություն աշխատողների հնարավոր զանգվածային ազատումների մասին (աշխատանքից ազատումը համարվում է զանգվածային, եթե 2 ամսվա ընթացքում աշխատանքից ազատվում են աշխատողների ընդհանուր թվի 10%-ը կամ ավելին):
- 3.8.** Համալսարանը և աշխատողների ներկայացուցիչը, հնարավորության սահմաններում, կարող են աջակցել աշխատողների սոցիալական խնդիրների լուծմանը:

4. Աշխատաժամանակ

- 4.1.** Աշխատողների համար սահմանվում է հնգօրյա աշխատանքային շաբաթ՝ իրար հաջորդող երկու հանգստյան օրով:
- Համալսարանում շաբաթական աշխատաժամանակի տևողությունը չի կարող գերազանցել 40 ժամը, ընդմիջման սկիզբը և ավարտը սահմանվում է հրամանով՝ համաձայնեցված արհկոմիտեի հետ:
 - Ոչ աշխատանքային, տոնական և հիշատակի օրերի նախօրերին աշխատանքի տևողությունը կրճատվում է 1 ժամով, բացառությամբ կրճատ և ոչ լրիվ աշխատանքային ժամանակի պայմաններով աշխատող աշխատողների:

- 4.2. Պրոֆեսորադասախոսական անձնակազմի աշխատանքային բեռնվածությունը և վարձատրությունը կատարվում է ՀՀ օրենսդրությամբ նախատեսված կարգով և չափով՝ աշխատողի և համալսարանի համաձայնությամբ, ըստ համապատասխան ստորաբաժանման ղեկավարի ներկայացրած ժամանակացույցի:
- 4.3. ՀՀ կառավարության սահմանված ցանկի համաձայն, աշխատողի և համալսարանի համաձայնությամբ, գործում է նաև հերթափոխային աշխատանքի համակարգ:
- 4.4. Չփոխելով սահմանված շաբաթական աշխատաժամանակը՝ սահմանվում է երկհերթ աշխատանքային ժամանակացույց պրոֆեսորադասախոսական և ուսումնասիրական անձնակազմերի համար:

5. Հանգստի ժամանակ

- 5.1. Հերթական արձակուրդների տրամադրման ժամանակացույցը սահմանվում է մինչև դեկտեմբերի վերջը, հաստատվում է համալսարանի կողմից աշխատողների ներկայացուցչի համաձայնությամբ, որին ծանոթանում են բոլոր աշխատողները:
- 5.2. Հերթական արձակուրդի տեղափոխումը բացառիկ դեպքերում թույլատրվում է ստորաբաժանման ղեկավարի ներկայացմամբ, համալսարանի թույլտվությամբ:
- 5.3. Բացի ՀՀ օրենսդրությամբ նախատեսված արձակուրդից լրացուցիչ չվճարվող արձակուրդ մինչև յոթ աշխատանքային օր կարող է տրամադրվել բարդ աշխատանքներ կատարողներին երկարատև չնորմավորված աշխատանքների դեպքում:
- 5.4. Աշխատողի պահանջով չվճարվող արձակուրդ տրամադրվում է՝
- 5.4.1. հղիության և ծննդաբերության արձակուրդում գտնվող, ինչպես նաև մինչև մեկ տարեկան երեխային խնամելու համար արձակուրդում գտնվող կնոջ ամուսնուն:
- Այդ արձակուրդի ընդհանուր տևողությունը չի կարող գերազանցել երկու ամիսը,
- 5.4.2. հաշմանդամ աշխատողին կամ ընտանիքի հիվանդ անդամին խնամող

7. Աշխատանքի պայմանները

7.1. Համալսարանը պարտավորվում է՝

- 7.1.1. ճանաչել և ընդունել աշխատողների ներկայացուցչի կանոնադրական իրավունքները,
- 7.1.2. գործող իրավական ակտերի պահանջներին համապատասխան յուրաքանչյուր աշխատողի համար ապահովել կահավորված, անվտանգ, հարմար և առողջության համար անվնաս աշխատատեղ և շրջակա միջավայր,
- 7.1.3. սահմանել հատուկ մասնագիտական գիտելիքներ պահանջող աշխատանքների ցանկը, որակավորման պահանջները և որակավորման քննությունների անցկացման կարգը: Հրամանագրել որակավորման քննությունների անցկացման ժամանակացույցը,
- 7.1.4. ապահովել պրոֆեսորադասախոսական կազմի բարձր որակը և կարգապահության պահանջվող մակարդակը,
- 7.1.5. նախապես անցկացնել աշխատանքային անվտանգության կանոնների ուսուցում, հրահանգավորում և ատեստավորում,
- 7.1.6. ելնելով իրականացվող աշխատանքի վտանգավորության աստիճանից՝ հաստատել պարտադիր և պարբերաբար բժշկական զննության ենթակա աշխատակիցների ցանկը և ժամանակացույցը,
- 7.1.7. համապատասխան աշխատողների պարտադիր և պարբերաբար բժշկական զննությունը իրականացնել աշխատանքային ժամերին,
- 7.1.8. գործող իրավական ակտերով սահմանված կարգով ապահովել աշխատանքի ժամանակավորապես դադարեցումը, եթե աշխատատեղում առաջացել են աշխատանքի անվտանգության անապահով պայմաններ,
- 7.1.9. նյութական պատասխանատվություն կրել աշխատողների աշխատանքային պարտականությունների կատարման հետ կապված խեղման, մասնագիտական հիվանդության և առողջության այլ խանգարումների դեպքում,
- 7.1.10. աշխատանքային պարտականությունների կատարման ընթացքում տեղի ունեցած յուրաքանչյուր դժբախտ դեպքի, խեղման, մասնագիտական հիվանդության և առողջության այլ վնասների դեպքում պատճառները ուսումնասիրելու և հետագայում կանխելու նպատակով ստեղծել համատեղ հատուկ հանձնաժողով:

7.2. Աշխատողների ներկայացուցիչը պարտավորվում է՝

- 7.2.1. ճանաչել և ընդունել համալսարանի կանոնադրական իրավունքները,
- 7.2.2. աջակցել համալսարանի կողմից աշխատանքի անվտանգության և առողջության պահպանման ուղղությամբ տարվող միջոցառումների իրականացմանը,
- 7.2.3. հարկ եղած դեպքում առաջարկություն ներկայացնել համալսարանին կատարվելիք այն աշխատանքների վերաբերյալ, որոնք անհրաժեշտ է իրականացնել առանձին աշխատատեղերում՝ աշխատանքի անվտանգության և առողջության պահպանման վիճակի բարելավման համար,
- 7.2.4. ներկայացնել առաջարկություն աշխատանքի ժամանակավորապես դադարեցման մասին, եթե աշխատատեղում առկա են նորմատիվ իրավական ակտերով սահմանված աշխատանքի անվտանգության կանոնների պահպանման կոպիտ խախտման դեպքեր,
- 7.2.5. մշտական հսկողություն իրականացնել մայրության պաշտպանության վերաբերյալ օրենքով սահմանված երաշխիքների և արտոնությունների կիրառման խնդիրների լուծման նկատմամբ,
- 7.2.6. մշտապես հետևողական լինել աշխատանքային կարգապահության սահմանված նորմերի պահպանմանը,
- 7.2.7. աջակցել աշխատողների մասնագիտական որակավորման պատրաստվածության շարունակական կատարելագործմանը,
- 7.2.8. նպաստել բարոյական նորմերի, էթիկայի կանոնների պահպանմանը,
- 7.2.9. մասնակցել պրոֆեսորադասախոսական կազմի կարգապահության բարձր մակարդակի դրսևորմանը,
- 7.2.10. կազմակերպել համալսարանի աշխատողների մշակութային և մարզական առօրյան:

8. Սոցիալական հարցեր

8.1. Համալսարանը պարտավորվում է՝

- 8.1.1. յուրաքանչյուր տարվա փաստացի գոյացած շահույթից ձևավորել ֆոնդեր կոլեկտիվի սոցիալ-կենցաղային տարբեր խնդիրների լուծման համար, մասնավորապես՝
 - ա) Աղավնաձորի ուսումնական բազայում աշխատակիցների հանգստի և առողջության պահպանման համար,
 - բ) մշակութային և սպորտային միջոցառումների կազմակերպման և անցկացման համար:

9.2. Աշխատողների ներկայացուցիչը պարտավորվում է՝

9.2.1. Աշխատողների սոցիալ կենցաղային խնդիրների բարելավման համար հատկացնել աշխատողների ներկայացուցչի միջոցների մինչև 60%-ը:

9.3. Կողմերը պարտավորվում են՝

9.3.1. Յուրաքանչյուր տարի ռեկտորատի և արհմիության հետ համատեղ նիստում քննարկել և հաստատել Աղավնաձորի ուսումնական բազայի աշխատանքին վերաբերող ծրագիրը, ինչպես նաև աշխատակիցների հանգստի կազմակերպման ժամանակացույցը, ուղեգրերի գնագոյացման և հատկացման կարգը:

10. Ուսումնական և գիտահետազոտական գործունեություն

10.1. Համալսարանը պարտավորվում է՝

10.1.1. ընտրել որակյալ կադրեր ուսումնական պրոցեսը, գիտահետազոտական և տնտեսական գործունեությունը պատշաճ մակարդակով կազմակերպելու համար,

10.1.2. համալրել գրադարանային ֆոնդը,

10.1.3. ուսումնական գործընթացը հետզհետե հագեցնել ժամանակակից տեխնիկական և ուսումնամեթոդական միջոցներով:

10.2. Աշխատանքային կոլեկտիվը պարտավորվում է՝

10.2.1. մշտապես բարձրացնել ուսումնական, ուսումնագիտական և ուսումնադաստիարակչական գործունեության արդյունավետությունը,

10.2.2. խնայողաբար օգտագործել համալսարանի նյութատեխնիկական բազան,

- 10.2.3. պահպանել կատարողական կարգապահությունը,
- 10.2.4. աշխատատեղում պահպանել աշխատանքի անվտանգության կանոնները,
- 10.2.5. պահպանել համալսարանի ներքին աշխատանքային կանոնները և աշխատանքային պայմանագրի պահանջները:

11. Համալսարանի և աշխատողների ներկայացուցչի հարաբերությունները

- 11.1. Կողմերը իրենց վրա են վերցնում բանակցությունների ընթացքի պահպանման, կոլեկտիվ պայմանագրի կնքման և պարտականությունների կատարման պատասխանատվությունը:
- 11.2. Աշխատողների ներկայացուցիչը իրավասու է աշխատանքային և դրա հետ կապված համալսարանի սոցիալ-տնտեսական զարգացման հարցերի վերաբերյալ ներկայացնել առաջարկություններ:
Համալսարանը պարտավոր է ուսումնասիրել առաջարկությունները և գրավոր պատասխանել աշխատողների ներկայացուցչին:
- 11.3. Օրենքով սահմանված դեպքերում աշխատողների աշխատանքային և դրա հետ կապված սոցիալական խնդիրներն ու իրավունքները շոշափող որոշումները համալսարանը պարտավոր է ընդունել՝ հաշվի առնելով աշխատողների ներկայացուցչի կարծիքը:
Աշխատողների ներկայացուցիչը պարտավոր է երկու աշխատանքային օրվա ընթացքում համալսարանին գրավոր հայտնել իր կարծիքը:
- 11.4. **Համալսարանը երաշխավորում է՝**
 - ա) աշխատողների ներկայացուցչին ընդգրկել համալսարանի համապատասխան կառավարման մարմինների աշխատանքներում,
 - բ) աշխատողների սոցիալ-տնտեսական հարցերի վերաբերյալ տեղեկատվություն տրամադրել աշխատողների ներկայացուցչին,
 - գ) արհմիության գործունեության համար անվճար տրամադրել անհրաժեշտ

աշխատասենյակ՝ հնարավոր կահավորումներով, ինչպես և համապատասխան սրահներ՝ համաժողովներ անցկացնելու համար,

դ) արհմիության անդամների դիմումների առկայության հիմքով՝ անդամավճարը գանձել կենտրոնացված կարգով և փոխանցել արհմիության հաշվին՝ տվյալ ամսվա աշխատավարձը վճարելուց հետո, 10 օրվա ընթացքում,

ե) համալսարանի արհմիության ղեկավար մարմնում ընտրված և հիմնական աշխատանքից չազատված աշխատողներին արհմիության միջոցառումներին մասնակցելու կամ որակավորումը բարձրացնելու համար աշխատանքային պարտականություններից ազատել՝ պահպանելով աշխատավարձը:

12. Եզրափակիչ դրույթներ

12.1. Սույն կոլեկտիվ պայմանագիրը ուժի մեջ է մտնում կողմերի ներկայացուցիչների ստորագրման պահից և գործում է երեք տարի: Կողմերը իրավունք ունեն երկարացնելու պայմանագրի գործողության ժամկետը, որը չի կարող գերազանցել երեք տարին:

12.2. Սույն կոլեկտիվ պայմանագրի գործողության ժամկետի ընթացքում փոփոխություններ և լրացումներ կարող են կատարվել միայն կողմերի փոխադարձ համաձայնությամբ՝ կողմերից մեկի գրավոր ներկայացված առաջարկությունը մյուս կողմին ներկայացվելուց 10 օրվա ընթացքում՝ համատեղ քննարկման և համապատասխան արձանագրություն կազմելու միջոցով: Կողմերի անհամաձայնության դեպքում այն իրականացվում է օրենքով սահմանված կարգով:

12.3. Կոլեկտիվ պայմանագրի կատարման նկատմամբ հսկողությունը իրականացնում են այն ստորագրող կողմերը:

12.4. Համալսարանը և աշխատողների ներկայացուցիչը պարտավորվում են պաշտոնատար անձանց նկատմամբ, ովքեր չեն կատարում սույն պայմանագրի

պայմանները, կիրառել ՀՀ օրենսդրությամբ նախատեսված միջոցներ:

12.5. Կողմերը տարին մեկ անգամ տալիս են հաշվետվություն կոլեկտիվ պայմանագրի կատարման ընթացքի մասին:

Կոլեկտիվ պայմանագիրը հավանության է արժանացել համալսարանի աշխատողների արհմիութենական սկզբնական կազմակերպություններում:

Սույն պայմանագիրը կազմված է հավասարազոր իրավաբանական ուժ ունեցող երկու օրինակից: Յուրաքանչյուր կողմի մոտ գտնվում է պայմանագրի մեկական օրինակ:

Կողմերի հասցեները և ստորագրությունները

ՀՀ, ք.Երևան, Տիգրան Մեծի 17

„Խաչատուր Աբովյանի անվան

հայկական պետական մանկավարժական

համալսարան, հիմնադրամ

Ռեկտոր, պրոֆեսոր



[Handwritten signature]

Ռ. ԿՈՒՐՉԱԿԱՆՅԱՆ

ՀՀ, ք.Երևան, Տիգրան Մեծի 17

„Խաչատուր Աբովյանի անվան

հայկական պետական մանկավարժական

համալսարանի արհեստակցական

կազմակերպություն,,

Նախագահ



[Handwritten signature]

Հ. Գ. ՍԱՐԳՍՅԱՆ